



DET KONGELEGE
KOMMUNAL- OG REGIONALDEPARTEMENT

St.prp. nr. 13

(2007–2008)

Om endringer i statsbudsjettet for 2007 under Kommunal- og regionaldepartementet

*Tilråding frå Kommunal- og regionaldepartementet av 16. november 2007,
godkjend i statsråd same dagen.
(Regjeringa Stoltenberg II)*

1 Innleiing

Kommunal- og regionaldepartementet legg med dette fram forslag til omprioriteringar og tilleggs-løyvingar i statsbudsjettet for 2007.

2 Forslag til endringer

Programkategori 13.70 Overføringer gjennom inntektssystemet til kommunar og fylkeskommunar

Kap. 3571 Tilbakeføring av forskot

Post 90 Tilbakeføring av forskot

Ved behandlinga av St.prp. nr. 1 (2005-2006) fekk Kommunal- og regionaldepartementet fullmakt til å løyve inntil 250 mill. kr i 2006 som forskot på rammetilskot for 2007 til kommunane. Rekneska-
pen for 2006 viser at det blei utbetalt 27,209 mill. kr i forskot på rammetilskot til kommunar. Utbe-
talte forskot i 2006 skal tilbakeførast til staten i 2007. Derfor blir det foreslått ei løyving på 27,209 mill. kr på kap. 3571, post 90 Tilbakeføring av for-
skot.

Programkategori 13.80 Bustad, bumiljø og bygg

Kap. 580 Bustønad

Post 70 Bustønad, overslagsløyving

Bustønaden er innretta slik at husstandane med dei lågaste inntektene og høgaste buutgiftene får mest i stønad. Samansetjinga av bustønadmotta-
karane har endra seg noko i løpet av 2007. Årsinn-
tektene til dei som har fått innvilga bustønad er
noko lågare og buutgiftene noko høgare enn
venta. Vidare har talet på mottakarar i 1. termin
2007 auka. Derfor blir det foreslått at kap. 580,
post 70 Bustønad blir auka med 31 mill. kr, frå
2 321,5 mill. kr til 2 352,5 mill. kr.

Kap. 581 Bustad- og bumiljøtiltak

Post 21 Kunnskapsutvikling og -formidling

Utgreiing og forskning på bustadområdet blir
finansiert over posten. Einskilde av oppdraga er
omfattande og komplekse, og tek lengre tid enn
venta. Derfor blir det foreslått at kap. 581, post 21
Kunnskapsutvikling og -formidling blir tilførde
stikkordet «kan overførast» i 2007.

Kap. 587 Statens bygningstekniske etat*Post 1 Driftsutgifter*

Løyvinga på posten dekkjer blant anna utgifter til ordninga med sentral godkjenning av verksemd for ansvarsrett. Ordninga skal vere sjølvfinansierende, det vil seie at auka utgifter skal dekkjast av auka inntekter. Statens bygningstekniske etat har auka oppfølginga av verksemdene som deltek i ordninga. Gebyra blei derfor auka frå 1. juli 2007 med kr 300 til kr 1400. Derfor blir det foreslått å auke løyvinga på kap. 587, post 1 Driftsutgifter med 4,7 mill. kr, frå 38,8 mill. kr til 43,5 mill. kr, mot ein tilsvarende auke av kap. 3587, post 4 Gebyr.

Kap. 3587 Statens bygningstekniske etat*Post 4 Gebyr*

I tråd med foreslått tilleggsløyving på kap. 587, post 1 Driftsutgifter, blir det foreslått å auke løyvinga på kap. 3587, post 4 Gebyr tilsvarende med 4,7 mill. kr, frå 15,2 mill. kr til 19,9 mill. kr.

Kap. 2412 Den norske stats husbank*Post 72 Rentestønad*

Rentestønad går til å dekkje eldre særvilkårslån som har eitt prosentpoeng lågare rentesats enn gjeldande flytande rente i Husbanken. Forseinkingsrenter blir trekte frå rentestønaden. Nye prognosar tilseier ein lågare del forseinkingsrenter og at utfasinga av låneportoføljen tek meir tid ein venta. Det blir foreslått at kap. 2412, post 72 Rentestøtte blir auka med 1 mill. kr, frå 20 mill. kr til 21 mill. kr.

Kap. 2412 Den norske stats husbank*Post 90 Lån til Husbanken, overslagsløyving*

Det blir forventa at om lag 1 500 mill. kr av låneramma til Husbanken på 13 000 mill. kr ikkje vil bli nytta i 2007. Hovudforklaringa er at lånevilkåra på den private kredittmarknaden er gode. Låneverksemda til Husbanken skal vere supplerande og ikkje konkurrerende. 45 prosent av ramma blir forventa utbetalt i 2007. Derfor blir det foreslått at løyvinga på kap. 2412, post 90 Lån til Husbanken

blir redusert med 675 mill. kr, frå 11 088 mill. kr til 10 413 mill. kr.

Kap. 5312 Den norske stats husbank*Post 90 Avdrag*

I posten inngår det rentestønad, som blir auka med 1 mill. kr. Derfor blir det foreslått at kap. 5312, post 90 Avdrag blir auka tilsvarende med 1 mill. kr, frå 9 310 mill. kr til 9 311 mill. kr, jf. omtale under kap. 2412, post 72

Kap. 5615 Renter frå Den norske stats husbank*Post 80 Renter*

Renteposten blir direkte påverka av at 1 500 mill. kr av låneramma ikkje blir brukt i 2007. Det blir foreslått å redusere renteposten med 36,5 mill. kr, frå 4 073 mill. kr til 4 036,5 mill. kr.

Andre orienteringssakar

Kommunal- og regionaldepartementet har motteke ei innbetaling på ca. 2,6 mill. kr frå Innovasjon Noreg på tidlegare gitt tapsløyving til lån gitt i 1990 og tidlegare. Innbetalinga skuldast blant anna tilbakebetaling på lån som tidlegare var avskrive som tap og endringer i tapsavsetjingane. Avhengig av tapsutviklinga kan det bli fleire år med tilbakeføring av midlar. Inntektene har tidlegare blitt ført på ein eigen post under Kommunal- og regionaldepartementet. Etter avslutning av fondsordningane, som galdt for perioden 1991–2002, vil dei årlege tilbakebetalingane bli på eit lågt nivå. Det er derfor ikkje formålstenleg å ha ein eigen post til slike tilbakeføringar. Inntekta blir derfor førd på kap. 5309, post 29 Ymse inntekter under Finansdepartementet.

Kommunal- og regionaldepartementet

tilrår:

At Dykkar Majestet godkjenner og skriv under eit framlagt forslag til proposisjon til Stortinget om endringer i statsbudsjettet for 2007 under Kommunal- og regionaldepartementet.

Vi **HARALD**, Noregs Konge,

s t a d f e s t a r :

Stortinget blir bedt om å gjere vedtak om endringer i statsbudsjettet for 2007 under Kommunal- og regionaldepartementet i samsvar med eit vedlagt forslag.

Forslag til vedtak om endringer i statsbudsjettet for 2007 under Kommunal- og regionaldepartementet

I

I statsbudsjettet for 2007 blir det gjort følgjande endringer:

Utgifter:

Kap.	Post	Formål	Kroner
580		Bustønad	
	70	Bustønad, overslagsløyving, blir auka med..... frå kr 2 321 500 000 til kr 2 352 500 000	31 000 000
587		Statens bygningstekniske etat	
	01	Driftsutgifter, blir auka med..... frå kr 38 767 800 til kr 43 467 800	4 700 000
2412		Den norske stats husbank	
	72	Rentestønad, blir auka med..... frå kr 20 000 000 til kr 21 000 000	1 000 000
	90	Lån til Husbanken, overslagsløyving, blir redusert med..... frå kr 11 088 000 000 til kr 10 413 000 000	675 000 000

Inntekter:

Kap.	Post	Formål	Kroner
3571		Tilbakeføring av forskot	
(NY)	90	Tilbakeføring av forskot, blir løyvd med.....	27 209 000
3587		Statens bygningstekniske etat	
	04	Gebyr, sentral godkjenning verksemd, blir auka med frå kr 15 155 000 til kr 19 855 000	4 700 000
5312		Den norske stats husbank	
	90	Avdrag, blir auka med..... frå kr 9 310 000 000 til kr 9 311 000 000	1 000 000
5615		Renter fra Den norske stats husbank	
	80	Renter, blir redusert med frå kr 4 073 000 000 til kr 4 036 500 000	36 500 000

Andre fullmakter

II

Tillegg av stikkord

Stortinget samtykkjer i at løyvinga under kap. 581 Bustad- og bumiljøtiltak, post 21 Kunnskapsutvikling og -formidling får lagt til stikkordet «kan overførast».
